

Practicista da construcziun da fatschadas AFP

Practacist da construcziun da fatschadas AFP

Planung, Hochbau, Tiefbau

Durada

2 onns

Terminaziun

Eidgenössisches Berufsattest
EBA

Indicaziuns davart il salari

1. onn d'emprendissadi: CHF
900.-
2. onn d'emprendissadi: CHF
1100.-

Sco practicista u practacist da construcziun da fatschadas monteschas ti fatschadas da material sco metal, cement u vaider. Ti applitgeschas er isolaziuns termicas. Uschia gidas ti a proteger edifizis cunter il fraid, la chalur, l'umiditad e la canera ed a spargnar energia.

Incumbensas

Preparar lavurs da construcziun

- preparar il material, ils guaffens ed ils apparats tenor las instrucziuns
- chargiar e segirar ils vehichels
- transportar il material e deponer correctamain sin il plazzal
- gidar ad endrizzar las maschinas ed a segirar la piazza da lavur
- gidar a selecziunar il dretg material per las fatschadas, p.ex. cement, lain, metal u vaider
- mesirar las surfatschas da la fatschada, dissegnar simpels plans e tagliar il material

Montar e reparar fatschadas

- montar fixaziuns per pudair installar vi da quellas ils elements da fatschada
- francar l'isolaziun termica
- montar ils elements da fatschada cun agid d'in struvader e d'ina pistola da guttas da rebatter
- demontar e remplazzar elements da fatschada ruts
- reparar e nettegiar fatschadas
- enconuscher ed observar las disposiziuns per la protecziun da las lavurantas e dals lavurants

Terminar las lavurs

- isolar sfessas
- far lavurs da finiziun vi da chavas e colliaziuns
- far urden sin il plazzal

- scriver rapports da lavur
- tegnair en urden ils guaffens ed ils apparats
- dismetter ils ruments en moda ecologica

Ambient da lavur

Sco practicista u practicist da construcziun da fatschadas lavuras ti sin plazzals ed es da mintga aura ora en il liber. Perquai portas ti in equipament da protecziun cun chapellina, guants e chalzers da segirezza. Tes temps da lavur èn regulars, pon dentant sa midar tut tenor la stagiun. La stad datti per regla dapli lavur che l'enviern.

Ti lavuras en manaschis da la branscha da mantelladas d'edifizis, p.ex. en ina interpresa cun ina partiziun da construcziun da fatschadas u en ina interpresa industriala che producescha material da construcziun.

Perquai che la professiun è impurtanta per la strategia d'energia da la Confederaziun, è il martgà da lavur er bun en l'avegnir.

Pretensiuns e interess

Pretensiuns

- Senza sturnizi
- Inschign manual
- Imaginaziun tridimensiunala
- Abilitad da lavurar en in team
- Resistenza corporala
- Resistenza a la temperatura u a l'aura
- Prontezza d'esser savens sin viadi

Interess

- Lavurar en il liber
- Lavurar cun ils mauns
- Esser corporalmain activ
- Elavurar metal

Scolaziun

Manaschis

Furmaziun pratica en in manaschi da la branscha da mantelladas d'edifizis

Scola

Curs da bloc dad 8 emnas per onn al Center da furmaziun Polybau ad Uzwil (SG)

Curs odaifer il manaschi

Uzwil: 20 dis durant 2 onns

Durada

2 onns

Cundiziuns d'admissiun

Terminà la scola obligatorica

Titel da finiziun

Practicist / Practicista da construcziun da fatschadas AFP

Furmaziun cuntinuonta

Curs

Curs dal Center da furmaziun Polybau ↗

<https://registration.polybau.ch/de/fachkurse>

Emprendissadi complementar

Sco practicista u practicist da construcziun da fatschadas AFP pos ti per regla far in emprendissadi scursanì da constructura u constructur da fatschadas AFQ.

Professiuns sumegliantas

Ulteriuras infurmaziuns

Swissdoc Nummer

TODO

Center da furmaziun Polybau

<https://www.polybau.ch>

TODO

<https://www.becc.admin.ch/becc/public/bvz/beruf/show/52012?lang=de>